

歷代詩話續編



娛書堂詩話卷上

宋 趙與虤威伯撰

無錫丁福保仲祜訂

唐許渾題孫處士居云。高歌懷地肺。遠賦憶天台。極爲的對。真誥曰。金陵者洞虛之膏腴。句曲之地肺。注云。其地肥。故曰膏腴。水至則浮。故曰地肺。

古樂府云。愛惜加窮袴。防閑託守宮。冷齋夜話云。窮袴漢時語。今襠袴也。然未詳所出。按西漢上官后傳。宮人使令皆爲窮袴。多其帶服。服虔曰。窮袴有前後襠。不得交通也。師古曰。卽今之褪襠袴也。

蘇才翁舜元仕至轉運使。皇祐辛卯。按部至海昌安國寺藏院。留一詩於壁曰。畫堂三月初三日。絮撲紗窗燕拂簷。蓮子數杯嘗冷酒。柘枝一曲試春衫。堦臨池面勝看鏡。屋映花叢當下簾。誰倚南樓指新月。玉鉤素手兩纖纖。書法遒勁。有懷素體。今刻於石。

冷齋夜話稱文與可詩精絕。鸞鸞云。頸細銀鉤淺曲。脚高綠玉深翹。岸

上水禽無數。有誰似爾風標。予閱與可詩。復有云。避雨竹間點點。迎風柳下翩翩。靜依寒蓼如畫。獨立晴沙可憐。尤清拔可喜。

虞翻傳。翻放棄南方。自恨淪沒。每謂生無可樂。死以青蠅爲弔客。故靈徹謫汀州詩云。青蠅爲弔客。黃耳寄家書。

黃亞夫庶怪石絕句云。山鬼水怪著薜荔。天祿辟邪眠莓苔。鉤簾坐對心語口。曾見漢唐池館來。天祿辟邪獸名。漢西域傳。烏弋有桃拔。孟唐曰。似鹿長尾一角者。謂爲天祿。兩角者或爲辟邪。

李西臺直宿早朝二詩。其一云。春風夜急銅龍漏。淡月半斜金井欄。已覺亞枝風露重。宿鶯猶睡怯餘寒。其二云。著衣香重海棠風。人在瀛州御苑東。將對赤墀班未定。井幹樓角日先紅。呂居仁跋云。觀西臺詩。想見國初太平氣象不遠。餘風遺烈。足以竦動後世。渺想正觀初。難與數子偕。吾與諸公亦云。

山谷自黔中還荆南。見一女子奇美。因賦水仙花以寓意。山谷下世。女子貧不能給。其夫鬻於田氏。一日召高子勉飲。妾出侑觴。子勉請以

詩中國香字名之。因作長篇紀其事。有云。卻把水仙花說似。猛省西家黃學士。乃能知妾妾當時。悔不書空作黃字。每誦此句。未達其旨。因閱李賀唐兒歌。而有東家嬌娘求對值。濃笑書空作唐字之句。

郭功甫嘗與王荆公登金陵鳳凰臺。追次李太白韻。援筆立成。一座盡傾。白句人能誦之。郭詩罕有記者。今俱紀之。太白云。鳳凰臺上鳳凰游。鳳去臺空江自流。吳時花草埋幽徑。晉國衣冠成古丘。三山半落青天外。二水中分白鷺洲。總爲浮雲能蔽日。長安不見使人愁。功甫云。高臺不見鳳凰游。浩浩長江入海流。舞罷青娥同去國。戰殘白骨尙盈丘。風搖落日催行棹。潮擁新沙換故洲。結綺臨春無處覓。年年荒草向人愁。

陸放翁云。先少師宣和初。有贈晁以道詩云。奴愛才如蕭穎士。婢知詩似鄭康成。晁公大愛賞。二事所出。漫紀於此。世說。鄭玄使一婢忤意。將撻之。方自陳說。玄曳之泥中。一婢來曰。胡爲乎泥中。答曰。薄言往愬。逢彼之怒。據言。蕭穎士有僕。事之十餘年。穎士箠楚嚴慘。人或激

之擇木。僕曰：非不能也，愛其才耳。

東坡謂晨飲爲澆書，李黃門謂午睡爲攤飯。陸務觀嘗有絕句云：澆書滿挹浮蛆甕，攤飯橫眠夢蜨牀。莫笑山翁見機晚也。勝朝市一生忙。鷓鴣其聲格磔可聽，世俗想像其音，或云懊惱澤家，或云行不得哥哥。蓋方言不同，而歌詠亦各用之。韋莊詠鷓鴣詩云：南禽無侶似相依。錦翅雙雙傍馬飛，孤竹廟前啼暮雨，汨羅祠畔弔殘暉。秦人只解歌爲曲，越女空能畫作衣。懊惱澤家非有恨，年年長憶鳳城歸。山谷詠李居士馴鷓鴣云：真人夢出大槐宮，萬里蒼梧一洗空。終日憂兄行不得，鷓鴣應是庫亭公。韋用前語，黃用後語。

羅隱嚴陵灘詩：范文正公釣臺詩，俱押高字。范詩特高妙，至用雲臺事，尤非隱所及。羅云：中都九鼎勒英髦，漁釣牛蓑且遁逃。世祖昇遐夫子死，原陵不及釣臺高。范云：漢包六合網英豪，一個冥鴻惜羽毛。世祖功臣三十六，雲臺爭似釣臺高。

曾參預從龍赴省時，館於衢之順溪，題一絕云：紅照西沈暫解鞍，偶然

假館豈求安。新豐獨酌誰爲侶。坐對窗前竹一竿。識者已趨之矣。是年竟至大魁。致身政府。至今其館扁爲狀元。

四明高端叔博學能詩。鄉里所推重。嘗有雪詩一聯云。灑窗蠶食葉。入竹蟹行沙。人稱其工。又有對云。人間桂子月中種。水底梅花堤上枝。竟坎壤不仕。樓攻媿挽之云。弟子皆藍綬。先生竟白袍。

毛國英。澤民之從子也。以詩自鳴。嘗經岳侯駐兵之地。江禁方嚴。國英投詩云。鐵鎖沈沈截碧江。風旗獵獵駐危檣。禹門縱使高千尺。放過蛟龍也不妨。侯曰。詩人也。委舟以渡之。

僧志南能詩。朱文公嘗跋其卷云。南詩清麗有餘。格力閒暇。無蔬筍氣。如云。霑衣欲溼杏花雨。吹面不寒楊柳風。予深愛之。

唐制有冤者哭昭陵下。故李洞策夜獻簾詩云。公道此時如不得。昭陵痛哭一生休。陸務觀亦有句云。積憤有時歌易水。孤忠無路哭昭陵。唐羅隱繡詩云。花隨玉指添春色。鳥逐金針長羽毛。趙彥若剪綵花詩云。花隨紅意發。葉就綠情新。鑄意俱奇。皆警句也。

白樂天獻裴晉公詩云。聞說風情筋力在。只如初破蔡州時。王禹玉上文潞公詩云。功業特高嘉祐末。精神如破貝州時。隱括樂天語也。

胡忠簡公以言事忤秦檜。謫嶺外。士大夫畏罪莫敢與談。獨王盧溪庭

珪詩以送之。其一云。囊封初上九重關。是日清都虎豹閑。百辟動容

觀奏牘。幾人回首愧朝班。名高北斗星辰上。身墮南州瘴海間。豈待他年公議出。漢庭行召賈生還。其二云。大厦元非一木支。欲將獨力拄傾危。癡兒不了公家事。男子要爲天下奇。當日奸諛皆胆落。平生忠義只心知。端能飽喫新州飯。在處江山足護持。爲邑人歐陽識告訐。竄辰州。檜死而還。

唐任濤。高安人。詩名早著。有露團沙鶴起。人臥釣船流之句。李常侍隲廉察江西。特與放里役。

胡文恭公子宗炎。善爲詩。有句云。飛禽避軒蓋。殘果落莓苔。歐陽公賞之。

周晞稷承勛有詩名。曾爲瑞之新昌尉。題度門院詩云。才入度門寺。先

觀覺範詩。昔人吟不盡。今日到方知。地僻寒來早。山高月上遲。池邊老修竹。曾映董生幃。蓋龔龍圖端書堂在焉。宿玉隆宮云。夜爇松明火。朝焚柏子香。舉家來萬壽。佳節遇重陽。雨止雲穿月。風高天欲霜。吾廬籬下菊。應怪未還鄉。

舊傳一貧士死。見陰吏。爲言當再生。汝有三百甕。蟄祿未盡。陸放翁病愈絕句云。鏡中無復舊朱顏。一笑衰翁乃爾頑。三百甕。蟄消未盡。不知更著幾年還。戲用此事。

昔有沙門游永嘉鴈蕩。欲賦未就。遇負薪老人倚杖而嘆。問曰。何嘆。曰。一生看不足。遂得句云。四海名山曾在目。就中此境難圖錄。巖前撞見白頭翁。自道一生看不足。

洪州大智禪寺百丈山。高可千尺。爲大叢林。唐宣宗嘗以詩題云。大雄真跡枕危巒。梵宇層樓峻萬般。日月每從肩上過。山河長在掌中看。仙華不問三春秀。靈境無時六月寒。更有上方人罕到。暮鍾朝磬碧雲端。不獨爲此山絕唱。帝王意度。於此可見。

楊誠齋序千巖摘藁云。余嘗論近世之詩人。若范石湖之清新。尤梁溪之平淡。陸放翁之敷腴。蕭千巖之工致。皆余之所畏者。姜白石詩藁自序云。尤延之先生爲余言。近世人士喜言江西。溫潤有如范。至能者乎。痛快有如楊廷秀者乎。高古如蕭東夫。俊逸如陸務觀。是皆出自機杼。實有可觀者。又奚以江西爲。觀二公推許。想見當時騷雅之盛。建安大歷。風斯下矣。

王武臣度豫章新吳人。吟詩有警句。如雲生坐來石。風掩讀殘書。危紅賒晚景。漲綠上平沙。鴉分供餘食。鷓亂著殘棋。樵斧和雲斫。漁蓑帶雪披。皆清奇可誦。張紫微謝艮齋極稱賞之。

康伯可與之紹興間。過清江游慧力寺。題二詩於松風亭。其一云。天涯芳草盡綠。路旁柳絮爭飛。啼鳥一聲春晚。落花滿地人歸。其二曰。江上濃陰曉未開。瘦筇支我上蒼苔。春寒前日去已盡。今日又從何處來。

王荆公初夏絕句。石梁茅屋有灣碕。流水濺濺度兩陂。晴日煖風生麥

氣綠陰幽草勝花時。范石湖云。嘗蒙恩獨引觴燕。壽王與行苑中。親誦後句以爲佳。

姜堯章。夔居苕溪。與白石洞爲鄰。潘轉庵字之曰白石道人。且昇以詩曰。人間官爵似樗蒲。采到枯松亦大夫。白石道人新拜號。斷無繳駁任稱呼。堯章報以長句。其詞曰。南山仙人何所食。夜夜山中煮白石。世人喚作白石仙。一生費齒不廢錢。仙人食罷腹便便。七十二峰生肺肝。真祖只在南山南。我欲從之不憚遠。無方煮石何由軟。佳名錫我何敢辭。但愁自此長苦飢。囊中只有轉庵詩。便當掬水三嚙之。

李莊簡公

光

詩。清絕可愛。越州雙鴈道中一絕云。晚潮落盡水涓涓。柳

老秧齊過禁烟。十里人家雞犬靜。竹扉斜掩護蠶眠。後至政府。與秦檜議論不合。爲中司所擊。送藤州安置。差密院使臣伴送。公戲贈之云。日日孤村對落暉。瘴烟深處忍分離。追攀重見蔡明遠。贖罪難逢郭子儀。南渡每憂鳶共墮。北轅應許鴈相隨。馬蹄慣踏關山路。他日重來又送誰。亦婉而有深意。

韓子蒼題淵明採菊圖詩。九日東籬採菊英。白衣遙見眼能明。向令自有杯中物。一段風流可得成。曾文清公訪戴圖詩。小艇相從本不期。剡中雪月並明時。不因興盡回船去。那得山陰一段奇。兩詩意同。同爲佳作。

曾文清謝路憲送蟹詩。從來嘆賞內黃侯。風味樽前第一流。只合蹣跚赴湯鼎。不須辛苦上糟丘。內黃侯三字甚新。

梅聖俞因劉元甫戲言之讖。竟終於都官。葬在宣城。俗呼爲梅夫子墓。弔之者有句云。贏得兒童叫夫子。可憐名位只都官。

娛書堂詩話卷下

宋 趙與峽威伯撰

無錫丁福保仲祐訂

太宗命蘇易簡講文中子。有楊素遺子食經羹藜含糗之說。上因問食品何物最珍。對曰。物無定味。適口者珍。臣止知羹汁爲美。臣憶一夕寒甚。擁爐痛飲。夜半吻燥。中庭月明。殘雪中覆一壘盎。引缶連沃。臣此時自謂上界仙厨。鸞脯鳳腊。殆恐不及。屢欲作冰壺先生傳紀之。而未暇也。上笑而然之。陳簡齋食壘詩云。冰壺先生當立傳。木奴魚婢何足錄。陸務觀亦云。髻鬚主簿方用事。冰壺先生來解圍。魚婢字出古今注。江東謂青魚爲婢。

高皇棄天下。金人來爲弔祭禮。丞相京公鐘以檢正假儀曹長充使報

謝。至近境。開宴以樂。公以遏音辭。且云。若不撤樂。有死無貳。論辯數十。虜人爲屈。留汴俟命。時有詩云。鼎湖龍馭去無蹤。三遣行人意則同。凶禮強更爲吉禮。夷風終未變華風。設令耳與笙鏞末。祇願身糜

鼎鑊中已辦滯留期得請不辭築館汴江東既旋壽王有執禮可嘉之褒除權工部侍郎

孫君孚升云昔與杜挺之梅聖俞同舟遡汴見聖俞吟詩日成一篇衆莫能和因密伺聖俞如何作詩蓋寢食游觀未嘗不吟諷思索也時於座上忽引去奮筆書一小紙內算袋中同舟竊取而觀皆詩句也或半聯或一字他日作詩有可用者入之或云作詩無古今惟造平淡難乃算袋中所書也

康與之在高宗朝以詩章應制與左璫狎適睿思殿有徽祖御畫特爲卓絕上時持玩以起羹牆之悲璫下直竊攜至家而康適來留之飲因出示之康給璫入取殼核輒書一絕於上曰玉輦宸游事已空尙餘奎藻繪春風年年花鳥無窮恨盡在蒼梧夕照中璫見之大駭然無奈何明日伺間叩頭請死上大怒亟取視之天顏頓霽但一慟而已

力通青海求龍種死諱文成食馬肝此楊文公詠武帝詩漢書武帝既

誅文成。惜其方不盡。膠東欒大與文成同師。因樂成侯求見。帝說大曰。臣恐效文成。則方士皆掩口。烏敢言方哉。上曰。文成食馬肝死耳。按洞冥記云。元鼎五年。鄧支國貢馬肝石。半青半黑。如馬肝。舂以和九轉之丹。用拭髮。白者皆黑。羣臣於甘泉有白髮者。賜拭皆黑。酷烈不雜丹砂。不口口髮。齊人李少翁以神仙惑帝。帝乃以馬肝石和九轉神明丸賜少翁。少翁死。卽文成也。今人見景帝有食肉不食馬肝。未爲不知味之語。遂謂文成食馬之肝而死。非也。

歐陽文忠公詩。山浦轉帆迷向背。夜江看斗辨西東。東坡亦云。山水照人迷向背。只尋孤埵認西東。身游山水間。果有茲理。二公善於形容矣。

文康王公晦叔諱曙。嘗宰定海縣。賦回峰院詩云。山勢欲壓海。禪扁向此開。魚龍腥不到。日月影先來。樹色秋擎出。鐘聲浪答回。何期隨吏役。暫得拂塵埃。商逸卿得遺墨刻之。

清明絕句。王元之云。無花無酒過清明。興味都來似野僧。昨日鄰家乞

新火曉窗分與讀書燈。李方叔云：千株蜜炬出嚴闈，走馬天街賜近臣。我亦茅簷白鑽燧，煨針燒艾檢銅人。二詩善述冷淡況味，漫筆之。

荆公縑成白雪桑重綠，割盡黃雲稻正青之句。今古傳誦。宋人廷博案宋人二

字似紫芝送謝耘游淮詩有云：柘空淮繭白，梅近楚秧青。蓋模倣此。

周益公休致白石黃景說賀以古風云：相公能辭一品官，不能辭他九

轉丹。相公能卻萬鍾粟，不能卻他長生籙。潭潭之居移氣體，新年七

十兒童似朝朝見客步如飛。窗下時時看細字，高車得似垂車榮。巍

冠何如挂冠清，深衣獨樂真天人。誰其友者聃與彭。

環溪吳沆觀穫詩有云：新月輝輝動黃雲，漸漸收形容甚工。

芝田錄云：鑰必以魚者，取其不瞑目守夜之義。王荆公詩云：開廚發篋

鳴鎖魚。山谷詩云：時送一鷗開鎖魚。

南史：齊高帝賜明僧紹竹根如意，筓籜冠。隱者榮焉。唐李泌隱衡山，嘗

取松樛枝以隱背，名曰養和。陸放翁詩云：天矯竹如意，鱗皴松養和。

台州巾云：唐任處士口口有詩云：絕頂新秋生夜涼，鶴飛松露滴衣裳。

前峰月照半江白。僧在水濱開竹房。

孟子言舜封象於有庳。今道永之間有鼻亭。蓋字訛也。正在瀟水之上。舟楫往來其下。客有題詩云。如今不似當時傲。日日江頭送客舟。

陸龜蒙詩云。他年欲事先生去。十賚須加陸逸冲。注逸冲常事陶隱居。錫名栖靜居士。十賚猶人間九錫也。秦少游遊仙詞一絕。亦用此意。詩云。本是廬山種杏人。出山來事碧虛君。上清欲問因何到。請看仙家十賚文。

僧島雲過盱江麻姑山。題絕句云。萬疊峰巒入太清。麻姑曾此會方平。一從燕罷歸何處。寶殿瑤臺空月明。先作自從。後於同輩舉似。同輩云。詩固清矣。自字未穩。當作一字。雲服其言。暨再入山。已爲人改作一從矣。亦可謂一字師。

明妃曲。古今作者多矣。近時徐思叔得之所賦一篇。亦爲時人膾炙。其

詞云。妾生豈願爲胡婦。失信寧當累明主。已傷畫史忍欺君。莫使君王更欺虜。琵琶卻解將心語。一曲纔終恨何數。朦朧胡霧染宮花。淚

眼橫波時自雨。專房莫倚黃金路。多少專房棄如土。寧從別去得深
嘔。一步思君一回顧。胡山不隔思歸路。只把琵琶寫辛苦。君不見有
言不食古高辛。生女無嫌嫁槃瓠。

柴與之

中行

嘉定間仕於朝。與時宰議論不合。去國危逢吉

積

以詩送

之力爲君王乞得州。補天未了石還投。人才自係國輕重。吾道亦關
公去留。殿角才辭槐影日。船頭便轉荻花秋。競誇祖帳都門外。誰識
眉攢杜甫愁。

裴元量

萬頃

豫章人。性恬退不樂仕。以薦者召爲司直。在朝嘗賦歸興

云。新築書堂壁未乾。馬蹄催我上長安。兒時祇道爲官好。老去方知
行路難。千里關山千里念。一番風雨一番寒。何如靜坐茅齋下。翠竹
蒼梧子細看。遂乞歸。

嚴子陵釣臺題詠尙矣。天台戴式之

復古

一絕云。萬事無心一竹竿。三

公不換此江山。平生誤識劉文叔。惹起虛名滿世間。亦新意可喜。

唐劉言史現繩伎一篇。末聯云。坐中還有沾巾者。曾見先皇初教時。蓋